

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Atlas minor Gerardi Mercatoris

Mercator, Gerhard

Amsterodami, 1610

Cyprus insula, cum Stalimene, Chio, Mitylene

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

Cyprus Insula, cum Stalimene, Chio, Myrlyene,

Negroponte, Cerigo, & Rhodo Insulis.

Regio.
Situs.

CYPRUS inter majores Maris Mediterranei insulas locum sibi jure vindicat, dicta vel a *Cypro* Cynica Filia vel ab arbore *Cypro* huic Insulae peculiari. In medio Ihsici sinus inter Ciliciam ac Syriam jacet: ad Ortum est mare Syriacum & Sinus Ihsicus, quem vulgo *Golfo de Lajazzo* vocant: ad Occalum Mare Pamphylum: ad Meridiem *Aegyptium* pelagus: ad Septentrionem spectat asperam Ciliciam, quae nunc *Turcomannia*, vel secundum alios *Caramania* dicitur. Habet in circuitu quadringenta & viginti septem millia passuum, in longitudine vero ducenta, teste Bordonio. Ingrato quidem ac insalubri, ut plurimum Aere fruitur, ob stagna tetrum vaporem exhalantia. Insula tamen omnis mire fertilis est. Fert enim ubertate quadam stupenda, quidquid vitæ ex voto transigendæ, deliciisque fruendis necessarium: Triticum, Hordeum, aliæque Frumenti genera: Vinum præstantissimum quod cum Cretico gratia certare potest: Oleum Saccharum Mel, Sal nativum ac fossile, Poma Medica & Citria, Limones, Dactylos, aliosque Fructus nobilissimos. Aurum item, Gossypium, Lanam, Crocum, Coriandrum, Sericum, & quid non? Smaragdo etiam Chrystallo, Ferro & Alumine nobilis est: Aere imprimis, quod ibi primum inventum creditur, tanta copia, ut Cyprus ærofa ex eo dicta fuerit. Ex pilis quoque Caprarum, pannus conficitur cui *Zambelosto* nostra ætas nomen dedit. Diodorus Siculus libro XVI scribit huic Insulae novem Reges præfuisse, qui tamen omnes Regi Persarum audientes erant. Habuit & Tyrannos Græcos. Olim quindecim urbibus claram fuisse legimus, quæ nunc majori ex parte interiere. Harum clarissimæ fuere, *Paphos*, nunc *Bapho: Pala Paphos*, quo primum ex mari Venerem egressam affirmabant accolæ: *Salamis*, hæc in amœnissimo sinu Orientalis littoris posita tuit, habuitq; trajetum ex Syria commodissimū. Ea postea dicta est *Constantia*, habuitque Episcopum Epiphanium. Fuere & *Amathus* & *Ceraunia*. Hodie celeberrimæ sunt, *Nicosia* & *Famagusta*. Ex Olympo autem Monte duo insignes exeunt amnes, *Lycus* & *Lapethus*, prior in Austrum, posterior in Septentrionem decurrit. Quanquam alii torrentes potius dici debere existimant, quam flumina: quia interdum exsiccantur: quo tempore Incolæ summa laborant aquarum penuria. Plures sunt in hac Insula montes, sed omnium altissimus est *Olympus*, quem *Trobodon* vocant, arboribus omnis generis vestitus, & undique exstructis Monasteriis insignis, in quibus habitant *Caloieri*. Ambitus ejus LIV mill. complectitur.

Cæli qualitas.
Soli fertilitas.Imperium majorem.
Urbes.

Flumina.

Montes.

Insula.
Situs.
Soli fertilitas.

Stalimene.

LEMNOS Insula Maris *Ægei*, hodie *Stalimene* Turcis & Italis: inter Thraciæ Cherronesum, & Athon Macedoniæ montem, Thraciæ opponitur. Ambitus ejus ad centum milla passuum (ut Bordonius refert) extenditur. Qua Orientalem plagam aspicit, aridam & Frugibus minus idoneam: inter Meridiem & Occalum vero Agri admodum foecundi, qui Triticum, Legumina, Pissam, Fabas, Vinum, Linum, Cannabim, &c. proferunt.

Terra



*Animalium va-
rietas.
Urbes.*

Terra quæ olim *Leonia*, hodie *Sigillata*, nunc uti olim hic non sine superstitionis apparatu excoditur, idque fingulis annis, v. i. Augusti: alio tempore minime. Sub capitis enim poena cautum, ne quis clam vel passim eo ad fodiendum accedat. Locus ubi excoditur *Montem Vulcani* appellant. Insula Equis gilvi coloris abundat: qui gradarii omnes, nulli succussatores. Nec Serpentes defunt. Vrbes hic olim *Myrina* & *Ephestias*. Hæc hodie prorsus deserta est, & *Cochino* appellatur. Illa parvi nominis Opidum hodie, in Peninsula angusto Isthmo Insulæ junctæ, positum: hoc *Lenno* nostra ætate dicitur.

Chios.

*Insula & unde
dicta.
Situs.
Soli fertilitas.*

CHIOS Insula nomen habet, vel a nive, vel a Nympha *Chione*. Dicta antea fuit *Aeolia*, ut Ephorus tradidit. Sita inter Samum & Lesbum, è regione Erythrarum. Ambitus ejus C atque amplius mill. pass. Chios Vini optima, ut libras ibi v. i. aliquando racemi pendant Straboni. Habet & Ficus gratissimi saporis: & Marmor varium quod Romæ in delitiis fuit. Sola inter reliquas Mastichen generat. Olim vero Frugum adeo ferax atq; abundans fuit, ut horreum Populi Romani dici meruerit. Perdicibus etiam abundat maximo numero cicuribus, in agros ad pastum excurrentibus, redeuntibus & passim per plateas palantibus. Opida hic sunt xxxvi. Primaria est urbs *Chia*, Portum habens & stationem peropportunam. Tota Montibus adsurgit. Promontoria habet *Posidium*, *Phanæum*, *Arvisium*, a quo Vina Arvisia quæ nunc Malvasia. Ex hac orti *Ion* Tragicus, *Theopompus* Historicus, & *Theocritus* Sophista. *Homerum* quoque nonnulli hic natū credidere. Cicero pro *Archia*: *Homerum Colophonii civem esse dicunt suum, Chii suum vendicant, Salaminii repetunt, Smyrnaei vero suū esse confirmant. Itaque etiam delubrum ejus in opido deicaverunt. Per multi alii præterea pugnant inter se atq; contendunt.*

*Urbs & Opida.
Montes.
Viri celebres.*

Mitylene.

*Insula.
Situs.
Cæli temperies
Soli fertilitas.*

LESBUS seu *Mitylena*, *Metelin* hodie ab utbe primaria: Phrygiæ objacet, & ab ejus Continenti v. i. i. mill. cum dimidio distat. Circuitus ejus traditur aliis clxxviii milliar. Aliis vero duntaxat cxxx. Hæc Aeris salubritate, agrorum ubertate, & Fructuum bonitate gaudet. Optimum hic Frumentum nascitur. Vinū profert optimum quod quidem Constantinopoli ceteris præfertur, atq; magna ex parte heluosum est. Marmor hic etiam habetur, quod tamen Pario marmore liuidius est, & Achates Gemma reperitur. Validos & robustos alit Equos, licet humiles. In ea quinque olim Opida, *Antyssa*, *Pyrcha*, *Eressos*, *Cirava*, & *Mitylene*, nunc *Metelino*, totius Insulæ primaria. Arcem habet & agrum amœnum ac fertilem. Olim insignis fuit, ac splendidis Incolis, & ædificiis, ornata nunc majori ex parte collapsa est. Duos habet hæc Insula portus satis commodos.

Opida.

Negroponte.

*Insula,
Situs.*

EVBOEA nunc *Negropontus* vel *Negroponte*, ad Meridiem promontorium *Geresto*, & Caphareum: ad Septentrionem, Cœneum extrudit, & nusquam lata, duum millium spatium habet ubi arcifissima est: ceterum

